



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,

manè discutienda in Scholis Medicorum die Jovis decimâ-tertiâ

Aprilis M. DCC. XLI.

M. URBANO LEAULTE', Antiquo Facultatis Decano,
nec-non Academiæ Censore, & Antiquiore Scholarum Magistro,
Doctore Medico, Præside.

An Recens nato recens Lac Maternum.

I.



OMO naturæ soboles excellentior, ceteris viventibus; ortus dignitate formæque corporis dum præest, ab iis sæpè salubritate vitæ & diuturnitate vincitur. Vix natus moritur, quotidie demitur pars aliqua vitæ, & ipse dum crescit, vita decrescit. Fatalem moriendi necessitatem eo diutius remoratur natura, quò si-
milioribus alimentis substantiæ damna restituit. Hinc qualem cor-
pori fabricando, talem eidem reparando succum jugiter impendit. Lacteo quon-
dam prima corporis rudimenta in ovo finxit, Lacteo eadem nutrit & auget in
fœtu, infante, adulto. Partium, ut nulla est à sanguine primò genita, sic nulla
ab ipso proximè nutrienda. Ecquid aliud nutritio, quam viventis conservatio,

similibus dum valet, contrariis dum ægrotat, procuranda? Hominis cum tenera est partum compages, primamque principiorum mollitudinem adhuc recedat, molli succo reparari amat; cum temporis serie, calor actione, & exercitio aliquatenus induruit, & fibratum robur validius adest, solidiora nutrimenta conveniunt; quibus econtra imbellis fibratum vis inest, plus accedit boni à cibis mollibus, & qui vel levissimā alteratione in substantiam partium abeunt. Unde adulti convalescentes à morbo, similiter ac pueri à partu ad dentes usque enatos commodè nutriuntur. At Lacti suus delectus est, ratioque non omnibus una: Lac aliud multum nutrit aliud parè: hujus pars alia medicamenti modo se habet, alia vices gerit alimenti, hinc Lac quod impenitus alit integrè convalescentes, sordibus pueros optimè reficit, dum labe aliqua inustus non leviter lædit, plurimum aliàs adjuvandos ab eo, quod plus medicamenti habet in se, quam alimenti. Pueris lactandis dissimilem quoque statum intelligas, diversam pariter Lactis muliebris indolem. Utriusque naturam qui perfectè caller, penes est eum judicare, quid singulis conveniat, satiusque nihil esse, nec opportunum magis infanti recens nato, quam si lactetur eo quod sub jucundā & familiaris alimenti specie, salutaris medicamentis auxilium præ se ferat.

I L.

MEDICAMEN exigit in alimento puer recens in lucem editus, qui, si non est totus à naturā morbus, mille saltem ægroandi causas in se continet. Sanis licet ortus parentibus, morborum omnium semina in utero contrahit. Hic pediculi instar, quo fructus ex arbore pendet & vivit, umbilico suspenditur; hoc uno ille utero (ut solo planta,) insertus animam ducit, cibumque ad nutritionem & augmentum; donec acquisitā perfectione gravis foras prodire gestiat; hoc vitæ commercio totus à matre pendet. Ipsa, cum sui sit tunc maximè impotens, vix momento idem proli, quam gerit alvo, manet sanguinis tenor, eadem indoles: illā irascente huic in venis ebullit cruor, moriente torpet. Bonis vel pravis, quos æquo furore appetit, cibus careat, aut fruatur, immeritis pariter sunt pœnas puer. Fortui, parentis plus nocet gula quam inedia, otium quam labor; sæpe suum Venus ipsa retexit opus. Ventris segnities, suppressus catameniorum fluxus, quibus sordibus non inquinat succum, quo eodem mater puerque nutriuntur? Hinc origo recrementorum, quæ per intestinum sanguinis motum, glandularum ope, in fœtu fecernuntur. Ex iis quod crassius, per viscerum tubulos ad excernendum idoneos, præceps datur in ventriculi, intestinorumque cavitates. Inde ne concias, fœtum ore alimenta prius suxisse, quam natum: sordes istæ reliquæ sunt succi nutritii, consistentiam fortitè diversam à diversâ glandularum compage quibus secretæ sunt; varium colorem à variâ mixtione, sic albescunt in ventriculo, è flavo viridescunt in gracilibus intestinis, in crassius ad nigrorem vergunt. Ex iis quod tenuius, glandulis intricatum stagnat, unde nisi sensim avolet, morbillorum, variolarum & cæterarum cutis scorditatum causa repetenda, ut depravata chylosis in ventriculo, vomitus, ventris tormina, largior sæpe lumbricorum seges, & sexcenta infantium incommoda è ventriculi & intestinorum recrementis quasi ineluctabili serie sobolescunt, nisi convenienti medicamento fœdam illam illuviem primis à partu diebus tutò, paulatim, ac jucundè ab infanibus expurgaveris.

PERICULOSÆ plena res alexa adutorum purgatio. Hæc integrè sanis, præsertim verò lacertosis, valde nocet; ægrotantibus, nisi cautione magnâ adhibita vix prodest, cruda medicati nefas, neque in principiis morborum, nisi (quod rarò fit) materia turgat; concocta commodius moventur, modo vires fessant, ætas, morbus; non ferox sit humor, sed fluidus, corporis pori aperti sint, lubrici: adstrictum etenim alvum medicamento purgante aggredi periculosum. Mochlæcorum quidem ut blandè purgantium ope Ars Medica omnino nequit destitui; illorum tamen parciò sit usus, nisi cum vis morbi mitiora spernit; forti nodo fortis debetur cuneus. Horum ut vis benignior, ita & iis uti frequentius licet. Tutior catharsis quæ cœffusione quâdam & *ἐνλασι* peragitur, maximè in calidis & siccis visceribus, ipsisque convalescentibus; omne enim nimium naturæ inimicum, quod paulatim fit tutum est. His cautionibus adde justam cathartici dosim, opportunum exhibendi tempus, accuratam rerum, quæ juvant læduntve observationem; rem in Arte Medica omnium scitu difficillimam, nec nisi longâ annorum serie comparandam. Porro si, in adultis purgandis, quorum sermo morbi symptomata exponere, & quid agendum sit indigitare potest, tot sermo adhuc opus est exploratione, ne plus noceant quam juvent Medici; quantò magis cautos esse convenit dum rem habent cum pueris, quasi mutâ vitæ conditione præditis; qui morbois affectibus licet obruti, omnium unum dant signum, ejulationum. Hos ergo in totum serva *ὑπερδυσπεψία* quam facillè movebis, si extranea quævis medicamenta exhibeas. Apage qui ad expurgandum ab intestinis meconium, præbent cassiam, syrupum seu catharticos, seu è capillaribus aut violarum floribus paratos, oleum amygdalinum, mel, & innumeram, quam mulierculæ vindicant, remedium saccharo conditorum farraginem; dulcia se in bilem vertunt, stomacho tumultum concipiunt; vinum cane pejus & angue fugito, vacuis committere venis nil nisi lene decet. Sunt tibi mitiora præsidia non longo labore quesita ipsi notiora ægrotanti; ab ipso impensius expetita, quibus assumptis confessum si lebit dolor omnis: in quibus vires acquirat, & hostes omnes vincat. Hoc Nectare benefico (quod colostrum est) jam turgent ubera puerperæ; id debilis infantis vitæ gestit succurrere.

*Si prohibes, furit in mammis, turbasque dolorum
Misce, & ingrâtâ pueris à matre reposcit*

I V.

COLOSTRUM maternum nihil aliud est quàm primum Lactis rudimentum à tenuiori & serosiori chyli parte genitum. Hoc unâ cum sanguine per arterias advehitur. Toto gestationis tempore, per uterum succus ille cedebar in alimonia matris, & in artuum robur; idem incarcerationum licet, à morbis valuit vindicare omnibus, quorum parens pororum occlusio, ac humorum, præ lentiori motu, corruptela. A partu subito & vi quâdam elastica sese contrahens uterus, papillarum ostiola occludit, Lactei que succi per illas consueto obstat motui: hinc alias sibi querit vias; nullibi facilius excipitur, quàm cum molle mammarum corpus subit. Simili penè ratione, ac fieri solebat in papillis uteri, illarum glandulis discernendus affluit. Harum ut primò strictiora foramina sunt, Lacti emulgendero nondum assueta, tenuioris tantum succi effluxum patiuntur. In illo veluti Lactis sero, nitrosi salis plurimum est, sali volatili oleoso adunatum. Ab utroque vis cathartica, & diaphoretica, idque ritè descripsis cum Medicis oculatioribus, alimen-

mentum medicamentosum, primis ab ortu diebus sugendum, quod excrementa è primis viis abstergit, & infantes leviter purgat: à sero mucus blandè detergetur, meconium diluitur, & foras expellitur: sale volatili oleoso, quo imprægnatur, urinæ vias eluit, exiliores corporis Meandros permeando, crassiores, qui in eis stagnant, humores attenuat, secum ducit tum per cæca cutis spiracula, tum patentiores corporis exitus, paulatim quidem securè & jucundè pro purgandi corporis indole. Quà ratione infans ab utero exclusus tractatur, alicujus est ad cathartism colostro facilius promovendam auxilii. Hinc ut omnia pareant; insensilia cutis foramina frictione levi referenda, sensiles corporis meatus lustrandi, si fortè quis, præter naturæ ordinem, occludatur, diligenter referendus; somno aut saltem quieti dandum corpus debile ad diem fere integrum, somno vires reparantur, erudi humores coquuntur, humescunt & lubrica fiunt corpora. Interim à Medico prudenti victus tenuis data lex, dilutioris chyli generandi causa est, accommodatus unde manet colostrum imprimis maternum, quod puerum parcè nutriendum parcè nutriet, simul & humores aliunde ad excretionem paratos, facilè, moderatè, & cum optata *εὐεργεια* subducet.

V.

LAC novum igitur eò convenientius recens natis esto præsidium, quòd de vi cathartica tantum in dies amittit quantum ad Lactis perfectionem accedit. Quia tenuius est, minùs ipso Lacte corumpitur in ventriculo; sic ventriculus Lacti digerendo & assimilando paulatim assuescit. Lac verum & perfectius quarto circiter die vel ex solà ipsius majori crassitie sat probaveris: hæc ex dilatatis glandularum ob suctionem poris emergit. Nullum infanti Lac idoneum magis, quam maternum facillimè probatur, quia huic jam assuevit toto gestationis tempore; quæ autem à longo tempore consueta, (deteriora licet,) insuetis (quamvis salubribus) minùs turbare solent. Errant sanè multum qui à lactatione suorum avocant matres, dum possunt, atque ipsis nutrices præferri jubent, quæ sanitatis gradu, vite conditione, ciborum usu, à puerperæ temperamento, vivendi ratione, & moribus fere semper discrepant. Gravius adhuc in pueros peccant, qui vix in lucem editos Lacte statim elaboratissimo curant enutriti: hos cum impuro sunt corpore plus læseris quam nutriveris. Lac ad benè alendum aptissimum, ipsis dotibus quibus grandioribus pueris convenit, recenter natis officit. Ventriculo exceptum, qui totus scaturit sordibus densatur, accessit, concrevit; unde stomacho sæpe præ pondere molestius, vomitu rejicitur; secus, si deorsum feratur, obstructions parit, flatus, distentiones, & intestinorum cruciatus. Quod si fortè insolitè vi naturæ omnia aliquando superantis, in intimos corporis recessus, ipsamque partium substantiam rapiatur, carnes nonnunquam plurimo succo replet, unde puer speciosior & colorationi brevi videbitur, sed inexpectata hæc bona suspecta habeas; latet anguis in herbâ. Simul cum alibi succo impuritas viscerum abrepta est. Incendium illa, ni caveas, mox in sanguine concitabit à quo speciosus ille corporis habitus citò citius, quàm accessit, in auras evanescet; floridus cutis color pallori commutabitur.

Ergò Recens nato recens La: Maternum.

Proponebat Parisiis **URBANUS DE VANDENESSE**,
Parisiensis, Baccalaureus Medicus, A. R. S. H. 1741,
à sextâ ad meridiem.